

पारिजात-हरण नाट

ॐ नमः श्री कृष्णाय ॐ

श्लोक

नमः कृष्णविष्णोहच्युतानन्तशक्ते
नमो रामराजीवनेश्वरभो ते ।
नमो ब्रह्ममूर्ते मुरारे परेश
नमो विश्ववास प्रसीद प्रसीद ॥

अपिच

खगेन्द्रं समाख्या निजिल शत्रुं
मुदा लीलया देवकीनन्दनो यः ।
प्रियं पारिजातं जहार प्रियार्थं
परेशाय कृष्णाय तस्मै नमो मे ॥

सूय०—पहिलेहि श्रीकृष्णक प्रणाम कये कहूँ सभासद लोकक सम्बोधि बोल ।

श्लोक

भो भोः सामाजिका ईश कृष्णस्य जगतीपते ।
श्रीपारिजातहरणं यावत् सम्प्रति पश्यत ॥

अथ प्रतिमा !

जय जय कृष्णदेव निज अंश । लीला नाशित कंश रावंश ॥
जाकेरि चरित्र भक्त-अवतंश । कमला केलि कमल कलहंस ॥
तनु इन्दिर श्यामल चोरि । तथि परकाशित पीत पिचोरि ॥
तद्धित जडित यच नख घनखंड । मकरि कुण्डल मंडित मंड ॥
कनक किरीटि रत्न अवगास । कुंचित चारु चिकुर परकाश ॥
चचिकर कर्ण भुवन मन भूल । नासा नील रत्न तिल फूल ॥

१४३

नयन कमल मुहु-पंकज जोड़ । एहु मिलल जच चान्द चकोर ॥
मानिक दशन हाथा तथि थोर । आरकत अघर वन्दुलि बचि चोर ॥
रुचिर चिबुक भेलि हृष ताप । भ्रू-युग गांजी मदनकेरि चाप ॥
कुटिल अलक कुल तिलक कपोल । हृदये हेमक हार अमोल ॥
आतिम मतिम माया लुले । कोरूप कंठु-कंठ मह दुले ॥
चार उदर दर हृदय विशाल । लम्बित पंचवरण वनमाल ॥
संचर चंचर मधुकर लोहे । श्रीश्रीवल उरस्थल सोहे ॥
चार चतुरभुज अंश भुअंग । रत्न केडर उजोर तनु संग ॥
कंकण कनक कनक कव-मूल । करतल राता उतपल फूल ॥
अंगुलि चार हीर हेम मोती । नखमणि निन्दित चौंदक जीति ॥
अरि अरकिन्द कौमुदी कम्बु पाणि । कोकिल-कंठ अमिया भुरे वाणी ॥
नाभि कंज रंज अतुषाम । विहिको जनम भेलि रोहि ठाम ॥
कटित कनक काँची परिरम्भ । उर करिकर सरकत तम्भ ॥
लम्बि नितम्ब पीत बचि चिर । पद-पंकज भुरे रत्न मंजीर ॥
नील आंगुलि वच चपक कोर । नखचय चारु चांद उजोर ॥
कमल पदतल अलकत भान्ति । लज्ज पंकज यव अंकुश कान्ति ॥
पाशा लासा सेत चामर ढोल । संचर राजहंस दुहो कोल ॥
माथे छत्र चारु शशीकांत । वरिसे सिकर आमिया नितान्त ॥
मधुर मुचति भक्त मनपुर । मतमथ कोटि जाहे नहि तुर ॥
होइ जय नील नव घनखंड । उवरे रह रविकर परचंड ॥
पूर्णमाक चांद दुहो दुहो पाशा । तथि कव इन्द्रजाप परकाशा ॥
वहे दुहो धार सुरसरि नीर । उजरि विजुरि रह तथि धिर ॥
अभिनव सूर उगत तनु माफे । ताहे छवि यक-पकति विराजे ॥
तारा भिक्कमिक कव बहु ठामा । तव होइ सोइ मुहति उभमा ॥
रहु हृदिपंकज सोहि मुरारि । अथ सोइ लोइ देखु विचारि ॥
कोटि कल्पतरु पूरण कामा । ऐचन ईश रूप निज ठामा ॥

ताहि चरण चित्त चित्त लाइ । तनु चितामणि बिलेहि जाइ ॥
आचे निकट नित अन्तक गरजि । लेहु हरि-चरण शरण सब वरजि ॥
जो मुंहे राम नाम ताहि अंसे । कलियुग काल भुजंगम दंसे ॥
सोहि कृष्णक नाटक उषामा । पारिजात हरण आहे नामा ॥
भक्तिक साधि सुनह सब लोह । हरि द्विने शान्धव आन नाहि कोई ।
कृष्ण किंकर ओहि शंकरे बोल । कर अत्र नरसब हरि हरि रोल ॥

सूत्र०—आहे सामाजिक लोक, जे जगतक गुरु, जाहेरि सजना सगला संसार, ब्रह्म, महेश, बन्धित पाद-पद्म, परम पुरुष पुरुषोत्तम श्रीकृष्ण रुक्मिणी सत्यभामा सहित ओहि सभा मध्ये प्रवेशि कहो नरकासुर वध पारिजात हरण लीला यात्रा कौतुके करव ताहे सावधाने देखह सुनहा आतपरेपुण्य कलित नाहि नाहि । जानि निरन्तरे हरि बोल । तदन्तर सूत्र पुछत । आहे संगि, कि वाद्य वाजे ।

संगी बोल । आहे देववाद्य वाजत ।

सूत्र०—अः मिलल मिलल ।

श्लोक

प्रवेशमकरोद्देवो गोविन्दो गरुडासनः ।

रुक्मिणी सत्यभामाभ्यां सह चारुचतुर्भुजः ॥

कथा—आहे लोक, हासु जे कहलु सोहि परमेश्वर श्रीकृष्ण सभार्जे यात्रा निमित्ते पृथा आकाश । परम सावधान हुया ताहे देखह सुनह । निरन्तरे हरि बोल ।
इति सूत्र निष्क्रान्तः ।

प्रवेश गीत

राग सिन्धुरा—एकताल ।

ध्रु०—अचे गरुड-केतु कपो परवेश ।

मदनक लाज हेरि रुच लेश ॥

पद—श्याम नुरति दीपित पितवासा । मुकुट कुण्डल मणि मुख परकाशा ॥
कर कंकण वनमाला उरे लोले । चरण माके मजीर कद रोले ॥
कौदि मदन जिन उजर मुरारि । संगे सत्यभामा रुक्मिणी वर नारी ॥
शरीरक जोति जलध विश पाश । कह्य शंकर हरिदासकु दास ॥

सूत्र०—आहे सभासद लोक, श्रीकृष्ण पत्नी सब सहित कौतुके हृत्प कय कहो रुक्मिणी सहित एक मन्दिर रहल । सत्यभामा निज मन्दिरे रहल ।

श्लोक

पश्चात् पुरन्दरो देवो नारदेन सहायतः ।

प्रणम्य केशवं सर्वं प्रोवाच भौम चेष्टितम् ॥

सूत्र०—तदन्तर, देवता इन्द्र नारद सहित आसि कहूँ श्रीकृष्णक घिरे परनाम कय कहूँ नरकासुरक विशेषता जेसे निवेदल । नारद आशीर्वाद कय श्रीकृष्णक हाते जेसे पारिजात निवेदल । रुक्मिणीक माथे जगतक नाथे जेसे पिन्धायक आहे लोक, ताहे देखह सुनह । निरन्तरे हरि बोल ।

गीत

राग आशोचारी—परिताल ।

ध्रु०—अहरावत कथे वासव आवे ।

आगहि नारद हरि गुण गावे ॥

पद—सुन्दरी रमणी शची एकुपाशे । चले भ्रूभंग अंग लभलासे ॥

माथे छत्र वज्र एकु हाथे । कह शंकर गति गोपिनी नाथे ॥

सूत्र०—तदन्तर नारदक देखि श्रीकृष्ण सभार्जे उठि कहूँ सपटे प्रणाम कयेल । नारद हातक तोलि चिरंजीव चिरंजीव बुलि आशीर्वाद श्लोक पढ़ल ।

श्लोक

जयजय यदुदेवो देवकीनन्दनम्

भुवनपति समस्तैर्विचिताब्जः सदेव ।

निजजनमयहारिन् सृष्टिसंहारकारिन्

असुरनरकतन्तान् सम्प्रतं पाहि देवान् ॥

कथा—ओहि आशीर्वाद कथे श्रीकृष्णक हाते पारिजात दिथे नारद ताहेक महिमा कहल ।

नारद—हे कृष्ण, अहि पारिजातक गंध तीनि प्रहरेक पथ जाइ । ओहि पारिजात जाहेर रहे रहे धनजन विभव वाढवे नाहि । ओहि देवदुर्लभ पारिजात जो

तारि परिधान करे, से पुत्रक महिमाये परम सौभागिनी हव । ताहेक चारि
चारी स्वामी कथाये जाये नाहि । अः ओहि कुसुमक महिमा कि कहव ?

सूत्र०—ओहि बुलि नारद चोवडि पारि बैठि मौन रहल ।

श्लोक

श्रुत्वा कुसुम-माहात्म्यं रुक्मिणी केदावप्रिया ।

प्रणम्य स्वामीचरणं पारिजातमयाचत ॥

कथा—मुनिक मुखे कुसुमक महिमा सुनि रुक्मिणी परम कौतुके कृष्णक गोरि लागि
करजोरि बोलल ।

रुक्मिणी—हे स्वामी हामी तोहार प्रथम पतनी जानि ओहि देवदुर्लभ पारिजात
प्राणनाथ हामाक देहु ।

सूत्र०—ओहि बोलि जैसे कुसुम मगल ताहे देखह सुनह । निरन्तरे हरि बोल ।

गीत

राग श्रीगन्धार—जातिमान ।

श्रु०—कौतुके रुक्मिणी ; ननिवे स्वामीक पावे

मागे आँसुरि भरि हात ।

आहे पिड,

अथ प्राणनाथ माये मिलावो मोहि

ओहि कुसुम पारिजात ॥

पद—आहेर गुन सुनि मुनि मुखे माधव

साधु अतने सोयी मान ।

भक्त कृपाल लागु चरण तेरि

करहु कुसुम मोहि दान ॥

तोहारि प्रथम पतनी परम स्वामी

जानि पूरह मोहि आशा ।

धनीक वाली सुनि हासे रविक हरि

कहेनु शंकर कृष्ण दास ॥श्रु॥

सूत्र०—तदनन्तर रुक्मिणीक अति कातर वाली सुनि श्रीकृष्ण हौंसि हौंसि हाते तोलि
पुयाक गौरवे कले वेठाइ कौतुके जगतक नाथे माथे पारिजात पिन्हावल ।
रमणीक चौंछा सकल भेल । तदनन्तरे पुया सहित श्रीकृष्ण सादरे नारदक
वार्ता पूछत ।

कृष्ण—हे मुनिराज, तोहौं कुशलै आवल ? अः तोहारि आगमने आजु हमार द्वारिका-
पुरी पवित्र भेल । तोहारि दर्शने हामु कृतार्थ भेलें ।

श्लोक

कृष्णस्य वचनं श्रुत्वा विहस्योवाच नारदः ।

निजभृत्यस्त्वैवाहं मयि मायां करोमि किम् ॥

नारद—हे स्वामी कृष्ण, मनुष्य-चेष्टा देखाया सबलोक मोहिल ; तोहाक ईश्वर बोलि
जानथे नाहि । हामु तोहारि भक्तिकवले सब जानि, हामाकु मोहिते चाव ।
अः स्वामी सुनह ।

पद्याइ—हे परमेश्वर जगत निवासा । हामु नारद तूआ दासहु दासा ॥

भरमो दिश दश तुया वध गाथा । हामाकु आगु करसि ओहि माया ॥

जगत उडार जाहेर चरित्र । ताहेक हामु कयल पवित्र ॥

जाहेर नामे सुकुलि-पद पाइ । सो हरि कर द्रुति नति कतिबाइ ॥

तुहँ जगत - गुन - देवक देवा । तोहारि चरणे रहोक सेवा ॥

मुखे जोनो न चारहु तुया गुण नाम । मागु अतने भर तोहारि ठाम ॥

नारद—हे कृष्ण, तुहँ परमपुरुष, नारायण भूमिक मार हरण निमित्त अवतरिल ।

साम्प्रत पापी नरकासुरे देवतासबक बहुत दुःख लागवे । तन्निमित्त घाची सहित

इन्द्रदेवता तोहारि चरणे शरण लेलहक ; हे श्रीकृष्ण देखो देखो ।

सूत्र०—ओहि बोलि नारद मौन रहल । तदनन्तर श्रीकृष्णक आगू परि पुरन्दर परणाम

कये कहँ, सभायें करखुरि द्रुति बोलल । ताहे देखह सुनह । निरन्तरे हरि बोल ।

पद्याइ—जय जय शिव देव । जय धाता-कृत सेव ॥

जय भक्त भव हारी । जय जय ईश्वर मुरारी ॥

जाकेरि नाम उचारि । पाइ पदारथ चारि ॥

जीव नियन्ता तुहूँ अज । बन्दो तुआ चरण-पंकज ॥
अघक्क भैनुक कंस । मारल असुर सवंस ॥
हरलि भूमिकेरि भार । भक्तक हेतु अवतार ॥
साम्प्रत गोचर हमारि । बान्धव शुनह मुरारि ॥
अव नरकासुर पाप । कयलि धरि उपताप ॥
आनल स्वर्गक मारि । देवक अतये कुमारी ॥
सर्वस्व नारदे हमारि । तुया पावे कयलु गोहारि ॥

पुरन्दर—हे स्वामी कृष्ण, पापी नरकासुरे कोन न करल ? वरुणक छत्र, मणि पर्वत,
ए सब काहि आनल । हे कृष्ण कि कह्य ! मातृ अदितिक कुन्दल दोहों
राखवे नाहि पारल । आर हमार हैइते कि रहल ? हे कृष्ण, कौटिकौटि
ब्रह्माण्डेश्वर तोहारि चरण चोरि हमार गति नाहि । राम जगन्नाथ, चाहि चाहि ।
सूत्र०—ओहि बोलि कृष्ण आगु कान्दि कान्दि पुरन्दर लुटि परल ।

श्लोक

हृष्ट्वा दुःखं महेन्द्रस्य श्रुत्वा च भौमचेष्टितम् ।

आश्वास्य श्रावयं हस्ते गृहीत्वोवाच केशवः ॥

सूत्र०—तदन्तर महेन्द्रक दुःख देखिये, परम कृपामय नारायण हाते धरि तोलि इन्द्रक
आश्वासि बोलल ।

कृष्ण—हे महेन्द्र, तोहों ताप तेजह । तोहारि बेरी पापी नरकासुर, से गतासु भेलि ।
ताहेक मारि देवता-प्रयोजन सत्त्वरे साधव । अहि निरटे जानि तुहु आनन्द हुया
सत्त्वरे अघ्रावती चलह । नरकासुर बधिते हामु आजु पथान करव ।

सूत्र०—से समये नारद आसि कहूँ इन्द्रक बोल ।

नारद—हे पुरन्दर, श्रीकृष्ण जेखन अंगीकार कयल तोहार शत्रुक देखने कन्धपात भेल ।
इहात शंका नाहि, तूहूँ आगु हुया चलह । तोहाक निमित्ते श्रीकृष्णक कातर
कय हामु पाचु लया जावव । चिन्ता नाहि, चलह ।

सूत्र०—ओहि निर्मग वाणी श्रुनि श्रावय श्रीकृष्ण नारदक प्रदक्षिण करि कहूँ परि परणाम
कयल । शिदाय लैया ऐरावते चरि इन्द्र चलल ।

श्लोक

मुनिर्माधवमाहर्दं गन्तुं त्वरय केशव ।

द्वारवत्याः श्रियं पश्यन्नेष्यामि चान्तिकन्तव ॥

नारद—हे कृष्ण तुहूँ बलिबाक सत्त्वरे साजह, हामु तोहारि द्वारकापुरीक कौतुके पेलिये
एइखाने आवव ।

सूत्र०—ओहि बलि नारद हरि गुण गाइ जैसे चललि ताहे देखह शुनह । निरन्तरे
हरि बोल ।

पद्याइ

श्रीगान्धार राग—परिताल ।

ध्र०—चललि नारद हरि गुण गाइ । भरमे द्वारकापुरी सम्पत्ति चाह ।

पद—रतने रचित यत हरिक आवासा । जेछे सुरपुर कर परकाशा ॥

पेखल पाछु भुवन अटुपामा । आखने थिक भेटि सत्यभामा ॥

पूर्णमास चौद वदन परकाशा । चिरंजीव बोलि नारद कव हास ॥

देखि मुनिक धनी अवनत काइ । परि परणाम कयलि पुन माइ ॥

जीवतु जीवतु नारद बोल । डाकि करहु नर हरि-हरि बोल ॥

सूत्र०—तदन्तर वासुधा चयडि पारल । मुनि आसन भिडि तथि बैठल ।

श्लोक

नारदः सादरं देवीं सम्बोध्यह हरिप्रिया ।

कृष्णस्य कर्मविषमं सत्यभामे निबोध मे ॥

नारद—अः हे देवी सत्यभामा, तोहारि स्वामी श्रीकृष्णक बड़ि बिसम चेष्टा देखल ।

हा हा माव, तुहूँ दुर्भाग भेलीह । हामु आजु से जानलु ।

सत्यभामा—हे मुनिराज, तुहूँ कि कह्यौल ? हामु किन्तु बुझये नाहि ।

नारद—हा हा तोहाक विधि बंचल । हे माव, कि कह्य ? कहिते बड़ बुल लागल ।

सूत्र०—ओहि बोलि हेठ माये ठेस कय रहल मुनि ।

श्लोक

सत्यनामाभवाद्गीता निशम्य मुनिभाषितम् ।

दृष्टं कथय किं कुत्र तं पुच्छति पुनः पुनः ॥

कथा—शुनि भीत हया देवीः करयुद्धि बोलल ।

सत्यभामा—हे मुनिराज, हामु जानु मोह सम सौभागिनी आवरि नाहि । से स्वामी कृष्ण हामाक चाडि कतिहु जावे नाहि । तुहु आनु कोनो ठाने कि देखल कि छुनल ! हामाक जपत, सत्वरें स्वरूप वात कह । चित्त चरि उद्वेग करये, मुनि मीन चाडह ।

श्लोक

दृष्ट्वा देव्याः मुनिर्वन्धं कथयामास सादरम् ।

कृष्णस्य चरितं सर्वं वदन्निव स नारदः ॥

सूत्र०—देवीक निर्वन्ध देखि मुनि बोल ।

नारद—हा हा माय, कि कहव ? ऐ सब कथा कहिते दोष । हामु देव दुर्लभ पारिजात पुष्प स्वर्ग हन्ते आनि कृष्णक हाते देलो । से पारिजात जे नारी परिधान करे, से पुष्पक महिमाये परम सौभागिनी हव । इहा जानि हामु बोललु, ओहि पारिजातक जोग्य देवी सत्यभामा । तथि कृष्णे कयलि कि ! तोहाक कटाक्ष करिये आपुन हाते पुया रुक्मिणीक माथे परम सादरे से दिव्य पारिजात विन्धायल । आः तोहाक जीवनक धिक धिक ! सतिनीके अम्युदय देखि कि निमित्ते प्राण धरइ ! माता तुहुं जीवन्ते मरल : हा हा विस्तर कि कहव ॥

श्लोक

मुनेर्वचनमाकर्ण्य शोककोपपरिच्छुता ।

मूर्च्छिता पतिता भूमौ यथा जातास्ता लता ॥

सूत्र०—तदनन्तर नारद मुखे सतिनीक महोदय शुनि कहुं कोपे अपमाने आग्वारि देखिवे देवी सत्यभामा मूर्च्छित हया पड़ल । जेथे ल्यंगलताक वाते उपारल, तहत ! केश मुक्त भेल, मुखे वचन हरल, नासत प्राणवायु नाहि खेल । पेलि सलि इन्दुमती हा हा प्राण सलि मरल बुलि बाहुं भेलि धरि कहुं शिरे जल सिंचल । औंचोले चिचि कान्दि कान्दि प्रबोध बोलल ।

इन्दुमती—हे प्राण-सलि, सतिनीक अपमाने कि मरिते जाव ? ओहि कोन व्यवहार ?

आः से प्राण माधव स्वामी तोहारि मान साधव नाहि ओहि दुरन्त चिन्ता

परिहरि उठइ उठइ ।

श्लोक

कथंचिद् चेतनं सा लब्धा देवी पुनः पुनः ।

विनिश्चयसापमानेन सरोद सखीसन्निधौ ॥

कथा—ते देवी सत्यभामा कथंचित् चेतन लभिवे धन धन निश्चाल कोकारि जेले संतार कपले ताहे देखइ छुनइ । निरन्तरे हरि बोल ।

गीत

राग कल्याण—जतिताल ।

ध्रु०—मानिनि माइ : नयन पंकज बुरे बारि ।

कोकारवे श्वाला, हासा भेलि देहा,

धन धन देखो आन्ध्रवारि ॥

पद—सतिनीक उदये दृढये दृढे आगि

अधिक मिलये मन तापे ।

धिक अवजीवन दीवन मोहे अभागि

रागिनी करत झिलपे ॥

हरि हरि पीयू मेरि बेरी अधिक भेलि

अतवे कयलि अपमाना ।

धरणी छुटि छुटि चिलपति बाला

कृष्ण किंकरे रसभाना ॥

सूत्र०—देवी सत्यभामा, ओहि सकल विलाप-अपमान कये धिक तदनन्तर कइह प्रिय नारद पुनःवार कृष्णक आगु गिपा जे बोलल ताहे छुनइ ।

नारद—आहे श्रीकृष्ण तुहुं एथा कोन मुले रहइल ? से पुया सत्यभामा पारिजातक निमित्ते अपमाने अन्नपान सब चाडल, परम तापे मरयिछे । हा हा नशुने देखिते कि पाव कि नाहि पाव । देव, सत्वरें जाव ।

श्लोक

मुनेर्वचनमाकर्ण्य माधवो भक्तवान्धवः ।

द्रुतं तस्या गहं प्रागात् प्रियायाः प्रेमविद्धलः ॥

सूत्र०—मुनि मुखे पुयाक दुख शुनि श्रीकृष्ण प्रेमविह्वल हुआ मुनिक कातर करि कहु
चात पुछि जेछे सत्यभामाक समीप चलल ताहे देखइ शुनइ। निरन्तरे हरि बोल।

गीत

राग गुझा—जतिमान ।

ध्रु०—मुनि कहियो कहियो कपट परिहरि ।
प्राणै कि जीयय मोर गुणैर सुन्दरि ॥

पद—मानिनी न सहै तिलेको अपमान । मेरि अपराधे कैले धरव प्राण ॥
पुयाक सन्तापे तापे दहे शोक आगि । कुसुम ना दिया भेलो तिरी बध भागि ॥
बुझाइते नयन पुयाक पाइला कोल । पेलि आकुल कृष्ण किशोर बोल ॥

सूत्र०—श्रीकृष्ण प्रेमे विह्वल हुआ पुयाक देखल, लोटके मुख मलिन । घन घन निश्वासा
कोकारि माटि लुटि रह । ताहे पेलि श्रीकृष्ण हा हा कि भेलि बोलि आंको-
आलि धरल । नयनक नीरे भुरावे, आश्वाति बोलल ।

श्रीकृष्ण—हे पुये, गोटा एक फूल रुकमिणीक देखो । से निमित्ते यदि अपमान करह,
तबे उठइ तोहाक एक शत पारिजात देवव । रुकमिणी, जाम्बवती तोहाक
सम सौभागिनी हवे नाहि । तोह हामाक प्राण सन पुवा जानि ताप तेजइ ।
तोहारि दुख देखि हामार हृदयके सहये नाहि । पुये हामाक शपत उठइ उठइ ।

श्लोक

प्रियं प्रणयकोपेन निःश्वस्यतः ततः सती ।
धूर्त्तालापैः दुर्भगांश मां किमर्थं त्वन्विकश्यसे ॥

सूत्र०—तदनंतर कृष्णक वाक्य शुनि देवी सत्यभामा स्वामीक पिठि दिजे कहौ हेठ माथ
सफास्य कन्दन कये बोलल ।

सत्यभामा—हे स्वामी, हामि दुभागक कपट वाक्ये कत कदर्शना करह ? ये तोहार
मुपलमा ताहेक समीप चलह । हामाक कोन प्रयोजन थिक ।

सूत्र०—ओहि बोलि बहुत विलाप कये कृष्णक ये बोलल ताहे देखइ शुनइ । निरन्तरे
हरि बोल ॥

गीत

राग श्रीगन्धार—जतिताल ।

ध्रु०—केशव हे बुझलहुँ तुहुँ, जानलोहो तोहो व्यवहार ।
अतवे चातुरि चोरि चलहु बहुरि हरिण ।
याहा पुया रमणी तोहारा ॥

पद—तोहारि कपट कृष्ण नाबुझि मानलो हामु ए
नाहि सौभागिनी सम मोइ ।

येछन पीरिति रीति सखहि विदित भेलिरे
आबु जानलों मति तोइ ॥

ओहि अपमाने प्राण नाहि धरव हामुरे
बोइल जीवनक आशा ।

आगु पिउक पढ़ि बहु विलपति बाला रे
कहतु शंकर हरिदासा ॥

सत्यभामा—हे स्वामी हम तुमगा । सतिनीक अधीन तुहु, हामाक कतये विकर्षना
करह ? ओहि अपमाने हामु प्राण राखव ? आह सख हामाक जीवनक
धिक धिक ।

सूत्र०—ओहि बोलि देवी कान्दि कान्दि मूर्च्छित हुआ पड़ल ।

श्लोक

कुर्ष्वन् हाहारं रामामालिङ्ग्याकुलमानसः ।

प्रियवाक्येस्तु तां शान्तिं तालयामास माधवः ॥

सूत्र०—ताहे देखि श्रीकृष्ण हा हा बोलि बाहु मेलि धरल । पुयाक मुख देखिबे प्ररम
चढ़ल । कमलनयनक नीर भुरावे, प्रेमे प्रमोद बोलल ।

पदाइ—पुयाक मुख देखि न सहै धारीर । कमल नयन भरि भुरि बहे नीर ॥
आलिनि पुयाक लापि धरि कोल । करि आश्वासा बचन हरि बोल ॥

हे हे प्राण-पुया शुन चात । देखहु नाहि तोहो पारिजात ॥

अत अपराध सख अच मोहि । तुया सम सौभागिनी नाहि कोइ ॥

रुक्मिणीक बेल गोटाव एक फूल । ताहेक लागि तुहुँ अतवे आकुल ॥
 पारिजात तक समूल उपाति । रोपन करव आनि तुवा बाडि ॥
 थव मोहि वाक्य नाहि पतिजावा । कहलु सत्य सत्य हुन जाया ॥
 अव तेजहु ताप कुमारि । न सहे हरि तुल देखि तोहारि ॥
 शमाकु शपत खेडलहु माथे । उठह उठह पूया डेरि, थर हाते ॥
 कर काकूति नति जगत रईश । रमणिक मने किल्लो मिलल हरीष ॥
 परम ईश्वर कर कातर पूयाक । देखु अद्भुत भक्ति महिमाक ॥
 ब्रह्मा महेशक याक कर सेवा । माथे खेड मड़ोल सहि देवा ॥
 कृष्णक लीला बुझये नाहि पारी । पूर्ण काम हरि कि करव नारी ॥
 मकसि कयलि हरिक मन मोल । जानि करह नर हरि हरि रोल ॥

सूत्र०—तदनन्तर सखि इन्दुमती बोले ।

इन्दुमती—हे प्राण सखि, परम ईश्वर तोहारि स्वामी माथे खेड थर अतवे कातर
 करेछे ? आर कोन मान साधिते रहल ? सखि ताप तेजह, उठह उठह ।

सूत्र०—देवी स्वामीक अतवे विनय बाणी सुनि कहुँ किंचित चित्त शान्त भेल ।
 श्रीकृष्ण ताहे देखि अलिंगि सोलि ब्रैठावल । पीत वस्त्रे शरीरक धूलि भाङल,
 केदा बाण्डल, निज हस्ते कपुल-ताम्बूल भुंजावल ।

श्लोक

ततो देवी सत्यभामा कृष्णवाक्यामृतेन सा ।

प्रीता प्रसन्नवदना प्रणम्याह प्रियं हरिम् ॥

सूत्र०—देवी स्वामीत महामान लभिये आति प्रसन्नमुखी हवा श्रीकृष्णक प्रणामि बोलल ।

सत्यभामा—हे स्वामी हामाक पारिजात तक दिते तुहुँ सत्य कवल जानि बिलम्ब चौडि
 ऐखने आनिवा देव । जाये पारिजात नाहि देखु तावे वारी प्रवेश नाहि,
 हामु सत्य कवे बोललु ।

श्रीकृष्ण—हे पुये, पापी नरकागुरे देवता सबक जिनिये सर्वस्व आनल । आगु ताहे
 मारि देव कार्य साधो, पाबु पारिजात आनो ।

देवी—अः स्वामी उचित कहल, आगु देव कार्य साधि सोहि यात्रा पारिजात आनह,
 हामु तोहार संगे चलव ।

श्रीकृष्ण—हे पुये, तुहुँ स्त्री जाति, मुदक समये तोहारि गमन उचित नहे ।

देवी—हे स्वामी, हानार बहुत सतिनी, इवार पारिजात आनि कोन स्त्रीक देव ताहे
 बुझये नाहि । हामु कदाचितो तोहारि संग नाहि चारव ।

श्रीकृष्ण—हे पुये, तुहुँ यदि हामार संगे चलव तब सत्तरे साजह ।

श्लोक

कृष्णमन्येत्य भगवान् जगाद नारदस्तथा ।

ज्ञातं किल भवान् भार्याभक्ति-सक्तोऽसि केदाव ॥

कथा—नारद चकोधमाह ।

नारद—हे कृष्ण, जानल तुहुँ स्त्रीक लाडिका । देवकार्य सब परि रहल, तोहार भार्याक
 पातु बुझिते सब दिवस गेल ।

श्रीकृष्ण—हे मुनिराज, स्त्री बुझये से नाहुँके । कि करव ; कुमारिक हात ऐडाइते
 पारये नाहि । हे मुनिराज, ऐ चलइछे । क्रोध नाहि करबि ।

सूत्र०—ओहि बुलि श्रीकृष्ण अति सत्तरे यात्रा कय चलल ।

श्लोक

सहस्रमकरोत् कृष्णः प्रयाणं प्रियया सह ।

धनुर्दंकारबोदेन दश दिशिः प्रकम्पयन् ॥

कथा—श्रीकृष्ण धनुर्दंकारे दशदिश कग्याइ पूया सहित चैछे पहान कवल ताहे देखह
 हुनह । निरन्तरे हरि बोल ।

गीत

राग माउर घनश्री—एकताल ।

सू०—कवल पयान गदुराइ । करे सारंग संगे पूया चलि जाइ ॥

पद—श्यामल अंग सुरंग पीतवासा । विजुरी उज्ज्वल नय घन परकाशा ॥

अवण चरण मंजीर कद रोल । ताहे मजोक मन शंकरे बोल ॥

कथा—श्रीकृष्ण ओही प्रकारे पिया सहित प्रयाने चलछे । से समये नारद आलि बोल ।

नारद—हे हरे, तोहो सभ स्त्रीजीत पुरुष कह्यो ना देखि । युद्धक समये स्त्रीक चोरये नाहि पार । तुहुँ जगतगुरु तोडाक जस गाइ स्त्रीनिधो लोकक वेदाये, अः हामाक लाज मेल ।

कृष्ण—हे मुनिराज कि करज, पारिजात निमित्तो सत्यभामा प्राण चाइय, उनिकर निर्धन्य कत सहयो ।

नारद—हे कृष्ण, कामासुर पुरुषक ऐछन अवस्था । स्त्री जे आशा करे, से अवश्ये करिते लागे । से होक, से कामरूप नरकासुरक पाट, ओहि द्वारका हन्ते स्वभावे मास चारिक पथ । स्त्री लया चाहिते बस्सर दुइ चारि पावव । अः देवकार्य भल्ल सखरे साधल । एक कर्म करज, तोडाक बाहन गरुड पक्षिराज ताहेक आशा करह । ताहरे स्कंधे चढ़िये सखर नरकासुरक मारह ।

सुत्र०—मुनिक वाणी सुनि श्रीकृष्ण पृथाक बोलल ।

श्रीकृष्ण—हे पूये, मनि भल्ल कहल ।

देवी—हे स्वामी, हाभितो पावे हाटिते पारये नाहि । ता मुनि श्रीकृष्ण वाहनक स्मरल । आहे गरुड पक्षिराज, सखरे आव सखरे आव ।

श्लोक

आहन्तागत्य गरुडो नत्वा कृष्णं कृतोजलिः ।

मम स्कंधं समावृण्व जहि भीमं दूराशयम् ॥

कथा—गरुड बोल । हे स्वामी, हासु थाकिते तोहों पावे वेदावध ! अः हामार स्कंधे चढ़ि पापी नरकासुर बध गिवा ।

तदनन्तर श्रीकृष्ण सभायें गरुड कन्धे चढ़ि परम लीलासे चलल ।

श्लोक

प्राञ्ज्योतिषं सोदति ज्वेन जायया

सुरर्णमावृण्व ययौ जनार्दनः ।

क्षणेन सम्प्राप्य पुरं परेशो

महोत्सवैः शंखरवं चकार ॥

कथा—श्रीकृष्ण गरुड बाहने वायुदेवे कामरूप पाइ पांचजन्य धुनि कयल । ताहे सुनि नरकासुर लेदि आवल, श्रीकृष्ण येछे बध कयल, ताहे देखह सुनह । निरन्तरे हरि बोल ।

पवाद—राग कानड़ा ।

चलल गोविन्द गरुडक कन्धे । नरक मारिते कयलि प्रबन्धे ॥

वायुक वेगे चलल पक्षिराज । तिलेके पावल कामरूपराज ॥

कुंकल शंख हरि बारे बारे । सुनि शत्रुक भेल हृदय विदारे ॥

जानलु आवल माधव धाइ । गरजे दानव युद्धक लाइ ॥

समरक साजि बजावत होल । घर घर मार मार करे शत्रुरोल ॥

पावे मुर नरकासुर रागि । खाण्डा फिकावय कृष्णक लागि ॥

हरि टंकारल सारंग भिड़ि । बरिधिल वाण देख कहों पीड़ि ॥

कावल बाहु कन्ध कर शिर । मारल हरि सख दानव वीर ।

पेखि पलावत दानव असुर । वाण प्रहारिये मोरछ मुर ॥

कोपे चक्र खेयि जगद्राथ । काटल दाहण नरक माथ ॥

देखि देवक उत्सव बहुल । बाजे तुन्दमि बरिषय फूल ॥

जय जय वादय करे बहु रोल । सामानिक सब हरि हरि बोल ॥

सुत्र०—से मुर नरकक मारि कहूँ श्रीकृष्ण यश साधल । देखि देव सब आनन्दे तुन्दमि बाजाइ । जय कृष्ण जय बोलि शिरे कुसुम बरिषवल । श्रीकृष्ण सभायें आनन्दे रहल ।

श्लोक

ततो वसुमती पौत्रं पुरः स्थाप्य हतात्मजा ।

विलयन्ति तदा कृष्ण नत्वा प्रोवाच दुःखिता ॥

वसुमती—नरकपुत्र बध भेल देखि वसुमती परम रन्तापे ताहेक पुत्र भगदत्त शिशुक आग कय कह्यो कृष्ण दर्शन निमित्तो येछे चलल, आहे लोक ताहे देखह सुनह । निरन्तरे हरि बोल ।

गीत

राम माउर धनश्री—एकतालि ।

ब्र०—पिउक समीप चले माह, हरिदरशन चले माह ।

शिष्ट समे वसुमती लहु लहु गति बाह ॥

पद—सुतक संतापे तनु भेलि हासा । लोतके लेपित मुख फोकारे निश्वासा ॥

स्वामीक कर पावे परि परणाम । कहनु शंकर गति मेरि राम ॥

कथा—ऐचन शिष्ट समे वसुमती आसि कहूँ श्रीकृष्णक परि परणामि कर जोड़ि बोलल ।

वसुमती—हे स्वामी श्रीकृष्ण, कोटि कोटि ब्रह्माण्डेश्वर परम पुरुष पुरुषोत्तम तुहुँ जगत-
गुरु । तोहाक प्रोह करि पापीपुत्र नरक निज पावे नाश गेल । तोहाक पुत्र
ओहि शिष्ट भगदत्त नातिक तोहार पावे, समर्पल । आहेंक रक्षा करह ;
हामार सन्तति रहोक । तोहारि चरण पंकजे कातर कये अतवे प्रसाद
मागु गोसाह ।ब्र०—ओहि ओलि वसुमती, बहुत बिलाप श्रीकृष्णक आगु कयल । ऐछन कहना
वाणी शुनि नारायण वसुमतीक आश्वास कय बोलल ।श्रीकृष्ण—आहे वसुमती, तोहो ताप तेजह ; तोहारि पुत्र नरकासुर भूमिक भार भेलि ।
से निमित्तो इहाक मारि तोहार भार दूर कयल । तोहारि बचने ओहि
भगदत्त शिष्टक कामरूप पाटे राजा पाटव, तुहौं चिन्ता नाहि करव ।ब्र०—ओहि बुलि श्रीकृष्ण वसुमतीक आलिंगि आश्वासिये अन्तपुर प्रवेशि कहौं
भगदत्तक राज्य अभिके कयल । थोडश हजार कन्या ताहें वारीत पाह
द्वारकापुर पठावल, अदितिक कुण्डल, वरुणक छत्र, मणि पर्यंत लोया, गरुडक
कन्वे सत्यभामा समे स्वर्गक कौतुके चलल ।

श्लोक

ततः सन्निकटं दृष्ट्वा स्वर्गे कृष्णो मुदायुतः ।

वभ्मौ शंखं पांचजन्यं हर्षयन् दिवि देवताः ॥

ब्र०—मूर नरकासुर मारि श्रीकृष्ण स्वर्ग समीप पाह परमानन्दे शंखध्वनि कयल ।

ध्वनि शुनि जानल देवता सब, अः हामार स्वर्गक लागि श्रीकृष्ण आवल ।

परम हरिने जय जय बोलि तुम्हनि बजाइ धिरे कुसुम बरिपिल । ताहे पेलि
सत्यभामा पिउत पृष्ठत ।सत्यभामा—आहे स्वामी, ओहि कोन स्थाने पावल हामु ? जे तुम्हनि बजाइ कुसुम
बरिपे ऐ सब के ? हामाकु परिचय कराव ।

श्लोक

कृष्णः प्राह प्रियां पश्य इमाम्भावतीपुरीम् ।

आगता देवता एताश्चा मां देवी दिदृक्षुः ॥

कृष्ण—हे देवी, तुहुँ नाहि जानह, ओहि अमरावतीपुरी, एहि देवता सब हामाक
देखिते आवल, देखो ओहि ऐरावत कन्वे वासव धिक । उनिकर महादेवी
ओहि शची, ऐसब दिग्पाल, सिद्ध विद्याधर ।

देवी—हे स्वामी, जे विमानक उपरे प्रकाश करेछे ओहि कोन बृष ?

कृष्ण—हे पुये, नाहि जानह ? जाहेर निमित्तो मामिनी होइछे से पारिजात तह ओहि ।

देवी—(हर्षमाह) अः हामार मनोरथ साकल गेल । ओहि पारिजात पुष्प भरिने
सतिनीसबक माजे लासवेश करि देइवव । हे स्वामी सत्वर करो ।

श्लोक

ततोऽपि कौतुकं दृष्ट्वा इन्द्र आगत्य सादरम् ।

दोर्भा देवं परित्यज्य जगद मधुरं वचः ॥

ब्र०—तदनन्तर इन्द्र आसि कहूँ गौरवे कृष्णक धरल शची सत्यभामाक आलिंगि
सत्कार कयल ।इन्द्र—हे कृष्ण, पापी नरकासुरक मारि हामाक कृतार्थ कयल । बार बार तुहुँ उडार
करह । तोहाक गुण सुक्खे नाहि पारि ।

ब्र०—ओहि बुलि प्रेमलोटक भुरये इन्द्र मीने रखल ।

श्लोक

अदितिं मातरं पश्यत् सभायौ जगदीश्वर ।

प्रणम्य देवमात्रेहृदादमृतस्नाबिबुष्यते ॥

कथा—तदनन्तर श्रीकृष्ण इन्द्र सहित अदिति मातृक प्रणाम कचे कहूँ अमृत कुण्डल दोहो निवेदल। शची सहित सत्यभामा अदिति शाशुक जानुवारि प्रणाम कयल।

श्लोक

ततः सा देवजननी कुण्ठां भूत्वा महेश्वरम् ।

वद्वानजलिः जगद्गार्थं मुतौ देवि मनोदधे ॥

कथा—अदिति श्रीकृष्णक परम ईश्वर जानिवे येछे तुति आरम्भल ताहे देखइ शुनइ । निरन्तरे हरि बोल ॥

पद्याड्ड

जय जय जगत-निवासा । जय जय असुर विनाशा ॥
जय छेदक भय पाशा । जय तारक निज पाशा ॥
जय जय ईश्वर मुरारि । जय जय असुर संहारि ॥
जय जय सारंग - धारी । जय जय ब्रह्म अधिकारी ॥
जय जय जगतक धाता । जय जय पातक धाता ॥
जय जय भूतक नाता । जय जय मुक्ति दाता ॥
जय जय यादव रामा । जय जलधर तनु-स्यामा ॥
जय जय पूरण मनकाम । जय भयतारक नाम ॥
कह कछना यदुराह । लेखो शरण तुवा पाह ॥
परम पुरुष कह नाणा । तुवा विने गति नाहि आना ॥
भव-बंधन चोड़ मेरि । कर ओहि तुति कर योदि ॥
कयलि पारि परिणाम । सबहि बोलहु राम राम ॥

श्लोक

आदित्या ईश्वरज्ञानं निशम्य मधुसूदनः ।

मोहनार्थं निजमायां ततान जनमोहनीयम् ॥

सूत्र०—तदनन्तर अदितिक ईश्वरज्ञान देखिवे वेणवी माया बिस्तारि अदितिक मन मोहित करिये श्रीकृष्ण कर योरि प्रणाम कय बोलल ।

श्रीकृष्ण—हे माता, तुहो हामार परम देवता । आमाक सर्वथा आशीर्वाद करअि ।

सूत्र०—अदिति शुनि कहूँ परम सकलचित्ते कृष्णक गले धरि कहूँ बुलिते लागल ।

अदिति—हे पुता, तुहूँ चिरंजीव हव । हामाक वरदाने देवता असुर तुहाक जिनिवे नाहि शरय ।

सूत्र०—तदनन्तर श्रीकृष्ण देवित बिदाय कयल । वरुणक छत्र मणिपर्वत इन्द्रक हाते समपल ; देवतासबत बिदाव करि कहौ नारद सहिते सभार्ये परिवर्ति येछे चलल ताहे देखइ शुनइ । निरन्तरे हरि बोल ।

गीत

राग गौरी—जतिताल ।

सूत्र०—लीलागति याह, भुवन भुलाह मधुर मूर्ति मुरारि ।

लपलासे चले रंगे संगहि भर नारि ।

पद—उरे वनमाला मागिक मणि वनन ईसत हासा ।

नय जलधर सोभा तनु पीत अम्बर भाषा ॥

पद पंकज मंजीर रोले, पल्लव परकाशा ।

भक्ति मुकुति हेतु कहतु केशव दासा ॥

सूत्र०—येचन मधुर मूर्ति श्रीकृष्ण परम लीला गति स्वर्ग वासीक मन मोहि कौतुके चलल । तदनन्तर ये कथा भेल, ताहे देखइ शुनइ । निरन्तरे हरि बोल ।

श्लोक

भूत्वा वस्ये पतिं प्राह सती रोप समन्विता ।

क यासि पारिजातं त्वं तानीय मधुसूदन ॥

सूत्र०—तदनन्तर देवी सत्यभामा कृष्णक पीत वस्त्रे धरि कहौ महाक्रोध हवा बोलल ।

सत्यभामा—हे स्वामी, तेहूँ भल सत्य कयल । पारिजात नालपर तुहूँ काहा जाव ? तोहाक चित्त बुझवे नाहि ।

श्रीकृष्णक—हे पूये हामु विचोरल दोष नाहि धरवि । श्रीकृष्ण नारदक बोल । हे क्षत्रि-राज, तुहूँ सक्ते याव । इन्द्रत सोजि पारिजात वृक्ष पृथाक निमित्ते सक्ते आन गिया ।

सूत्र—कृष्णक वाणी श्रुति नारद चलि गया इन्द्रक बोल ।

नारद—हे देवराज, श्रीकृष्ण तोहात पारिजात खोजल । सत्यभामाक निमित्ते जानि सत्वर दिआ पठाव ।

सूत्र०—नारदक वाणी श्रुति परमक्रोध होया शची उत्तर देलह ।

शची—अः अभाम्य कहाल ! इन्द्रानी शचीक पारिजात कथाक, मानुषी सत्यभामा पिन्हित साथ गेल ? ऋषिराज बोल गया, यद्ये अनेक पुण्य कय कहुँ अमरावतीक अधिकारिनी हय तेवे पारिजात परिधान करिते पावे; हमार पारिजात इन्द्र दिते पावे नाहि ।

इन्द्र—हे ऋषिराज, देवस्त्रीक पारिजात किमते दिते पारि ? स्त्रीक कथा कृष्णते विदित, बोल गिया ऋषिराज ।

श्लोक

नारदस्तु ततोहभ्येत्य भगवानाह केशवम् ।

इन्द्रान्या वर्णितं यत्तत्तु कृष्णे सर्वमवर्णयत ॥

सूत्र०—तदनन्तर नारद परिवर्ति आति कहुँ शची जे बोलल, कृष्ण सत्यभामाक आगु सय कहल ।

नारद—हे कृष्ण, पारिजातक निमित्त तुहुँ पठावल, हामु बड़ि लज भेलो । सत्यभामाक बहुत गालि पारावल मात्र । पारिजातक नाम श्रुति शची कोवे बोलल—अः कथाक मानुषी सत्यभामा शचीक पारिजात पिन्हिते इच्छा कयल । अभाम्य कहाल; यद्य तप जप आचरि जन्मान्तरे अमरावतीक अधिकारिणी हय तब पारिजात पावब बल गया । हे कृष्ण, देवीक धिक्कार श्रुतिवे हृदय दहे, हा हा कि भेल ?

सूत्र०—ताहेक श्रुति सत्यभामा कोवे कम्पमान हया बोलल ।

सत्यभामा—हे स्वामी, हामाक कदर्थिते तोहों आनल । दानवक बेदि शची, ताहेक चाटु कय पारिजात नेवब । अः धिक्कार होक । हे प्राणनाथ काहेक भय धिक ? सत्वर पारिजात आन गिया ।

नारद—अः देवी भइ कहल । हे श्रीकृष्ण सत्वर पारिजात आनइ ।

श्लोक

निशम्य सत्यभामाया वचनं कंजलोचन ।

जहाड सहस्राक्षस्य पारिजातस्य हरि ॥

सूत्र०—तदनन्तर श्रीकृष्ण पुष्पाक वाक्य श्रुतिवे तत्काले पारिजातक समीप चापि सन्निधि उपारि आनल । देखि रखीया सब कोलहाल कये बोलल ।

रखीया—हे कृष्ण, शचीक पारिजात निते तोहारि कोन बेपहार ।

सत्यभामा—अये रखीया सब, तोहाक शचीत कह गिया सत्यभामा पारिजात निवा याइ, अत्र यत शक्ति धिक राखोक आसिया ।

सूत्र०—श्रुति रखीया सब इन्द्रशचीक प्रणामि कहल ।

रखीया—हे माता शची, तोहारि पारिजात तब सत्यभामा बड़ाइ करिये स्वामीक इति हरि निवा वाय, जानि ये बुयाइ त करइ ।

श्लोक

पारिजातस्य हरणं निशम्य क्षुपिता शची ।

पतिं पुरन्दरं ग्राह भिगस्तु तव विक्रमम् ॥

सूत्र०—पारिजात हरण श्रुति शची कोवे पुरन्दरक बोलल ।

शची—हे स्वामी तोहो विद्यमान थाकिते हामाक पारिजात मानुषी निवा जाइ । आः तोहाक धिक्कार धिक । वज्रक धिक्कार होक ।

सूत्र०—ओहि बुद्धि इन्द्रक अंगे श्रुत विलाप कयल ।

इन्द्र—हे पुये तुल बोद्धइ, हामाक आगु कृष्ण कोन हय । ताहेक जनि पारिजात एखने आनब, चिन्ता नाहि करबि ।

सूत्र०—ओहि बुद्धि इन्द्र परम प्रारम्भे साजि धनुषार धरि कहुँ देव सब सहित शची समन्विते ऐरावत कन्धे खेदि आवल इन्द्र ।

श्लोक

गत्वा सत्राजितसुतां प्रोवाच क्षुपिता शची ।

नेष्यसि त्वं पारिजातं किंनु वज्रधरे स्थिते ॥

शची—अये सत्राजितक कुमारि, तुहुँ मानुषी हया हामार पारिजात निवा यास ।

आः तोहाक अभाव्य मिलल, अब बज्रघरक हाते सवंशे नाहि मारव तब सक्ने पारिजात चोड्ढ ।

सूत्र०—ओहि बोलि येछे गरजल ताहे देखइ छुनइ । निरन्तरे हरि बोल ।

गीत

राग आसोआरि—खरमान ।

ध्रु०—मानुषी साहस ऐछन तोहारि ।

हरति कुसुम हामारि ॥

पद—स्वामी पुरन्दर कीर बज्रघर, आछन्त देव अन्तकारी ।

पारिजात तरु चौरह मोरा, राखहुँ जीवन कुमारी ॥

तोहारि स्वामी माधव मानुष, कयलि गरव ताहे लायि ।

ब्रासव आने सोहि कोन होइ, कर शची एछन बड़ाइ ॥

शची—आहे सत्यभामा, तोहारि स्वामी माधवक कथा हामु सब जानी । ओहि गोपी-

विद्याल गोपाल । उनिकर आगू गोकुलक स्त्री नाहि रहल । देखू कंसक

दासी कुलुजि ताहेक हातक एड़ावल नाहि । ताहेक आर कि कहय ? ऐछन

अनाचार कृष्णक गरव कवे कहौ हामाक पारिजात निया जाय ?

अः बज्रपाते सवंशे नाह मेलि, जानवि ।

श्लोक

निशम्य गर्भवाक्यं सा सत्यभामा हरिप्रिया ।

कोपेन कम्पितवती शचीसामाग्य वल्गति ॥

सत्यभामा—अये इन्द्राणी, जगतक परम गुरु हामार स्वामी जाहेर नाम सुमरिते महा

महा पापी सब संसार निस्तरे, ताहेक अतय निन्दा करह ? अये निलजिनी

मरिते न जान ? तोहारि स्वामी इन्द्रक कथा कहिते वणा से उपजे ।

देखो अग्रावतीक यत वेद्या तोहाक स्वामीक से नाहि आण्डल । तोहारि

स्वामी कयलि कि । गौतम ऋषिक भार्या अहत्या, ताहेक माया करि

कहुँ जातिभ्रष्ट कयल । तन्निमिते सब शरीर दाकि योनिडाक मेल । अये

पामरि एछन इन्द्रक हामाक आगु बखानह ।

सूत्र०—ओहि बुलि सत्यभामा चेछे ब्रह्मल ताहे देखइ छुनइ । निरन्तरे हरि बोल ।

गीत

राग बेलआल—खरमान ।

ध्रु०—पामरि हरिक करसि श्रद्धाह ।

आगु चरण पंकज-रज परशि गारि देखि कति लाइ ॥

पद—ओहि जगत गुरु ब्रह्म-रुद्र कर परि परणाम याहारि ।

केचे दासी शची ऐछे स्वामीक कर कन्दल ब्रजन नेहारि ॥

याहेर नाम-गुण गाइ पासी तरे भक्तसि मुक्ति मिलाने ।

ऐछे गोविन्दक निन्दस पामरि शंकर कह हरि-पावे ॥

सत्यभामा—अये दानवक चेटी इन्द्राणी, हामारि आगु तोहारि अने

बड़ाइ । हामु परम दर्प कये बहु पारिजात आनल । देखु अब तोहक

स्वामी पुरन्दरक यत शक्ति धिक ; बुझ कय हामार हातक पारिजात निष

जाडक, देखि तब सकल बड़ाइ कयलि ।

सूत्र०—देवी सत्यभामाक अतये विकर्षना शची छुनि शची कोपे अवमाने इन्द्रक

बोलल ।

शची—हे स्वामी देवराज, तोहाक जीवन धिक धिक, मानुषी स्त्रीक अतये कदर्थन

छुनि रहइछ छि, तोहाक पुरुष तेज बिछो नाहि । अः देवताक इन्द्र निछा

बोलावसि ।

श्लोक

ततः पुरन्दरो देव्या पीडितो वाक्यशोभकैः ।

क्रोधेन भनुरादाय युद्धाय सन्मुखोऽभवत् ॥

सूत्र०—तेदनन्तरः पुरन्दर वाक्य-शरे पीडित हुषा शचीक गरिहा छुनि कहौ परम क्रोध

धनु धरि युद्ध करिते श्रीकृष्णक सन्मुख मेलइ । देखि सारंग शंकारि श्रीकृष्ण

गरुडक कन्वे इन्द्रक समुल हुवा रहल । ताहे देखि पुरन्दर दर्पे बोलल ।

इन्द्र—अये यादव, शचीक पारिजात केछे निवा जाव । ओहि शीक्षणर शरे तोहारि

प्राण चोड़ावव हामाकु आगु काहा जावव ।

सूत्र०—पेछन प्रकारे बहुत बखाल । दिव्यवान हानि चेछे रामोवर पुरन्दर दुहो महाबुद्ध
कपल आइ लोक ताहे देखह शुनह । निरन्तरे हरि बोल ।

गीत

राग तुर-पड़िताल ।

सू०—गरजि बासव बाण प्रहारे । आजु जीव लेहु तोहारि रे ॥

पद—पेलि ताहे हरि करे सारंग धरि । करु शर सत्वर मुरारि ॥

जेदि बाणगण हरलि चेतन । इन्द्रक हृदये विदारि रे ॥

कथा—कृष्णक बाण प्रहारे मूर्छित होइ पुनः चेतन पाइ इन्द्र बोल ।

इन्द्र—अये श्रीकृष्ण यव पारिजात चोड़व तव चोरह ; नाहि ओहि बज्र सन्धाने तोहरि
प्राग चोड़ाउँ ।

कृष्ण—अये दुष्ट देवराज, हाम्राक भीति देखान, यत शक्ति थिक प्रहार देखि ।

सूत्र०—शुनि इन्द्र बज्र भरिये पुनु स्वस्थ हवा कृष्णक हानल । श्रीकृष्ण हासि हासि
येछे लुम्फि भरल ताहे देखह शुनह । निरन्तरे हरि बोल ॥

पद—स्वस्थ कलेवर पुनु पुरन्दर, भरल बज्र बीर तोलि ।

हानल संधाने बाण अब लेलहुँ रह रह यादव बोलि ॥

सूत्र०—बाणबुद्धे नयारि पुरन्दर परम आतोपे कोपे श्रीकृष्णक बज्र प्रहारल । हरि
हासि बज्रक लुम्फि भरल ।

श्लोक

ततः कृष्णो रथा चक्रं शक्रं प्रति गृहीतवान् ।

इन्द्रो भीत्याभ्यद्रवत् स पद्भ्यान्दीपयन् वपौ ॥

कृष्ण—अये दुष्ट देवराज, यव तोहारि प्रहार हामु सहल, अब हामार प्रहार सम्बरह ।

सूत्र०—ओहि बुलि परम प्रारम्भे इन्द्रक लालि चक्रतोलि भरल । ताहे देखि इन्द्रक
हृदय कम्प लागल । हात पाव धिर नोहे, महा भये हसित चाडि लवङ्गि
पलावल । ताहे पेलि श्रीकृष्ण हासि हासि पाचु पाचु येछे इन्द्रक खेदल ताहे
देखह शुनह । निरन्तरे हरि बोल ।

गीत

राग कानड़ा—पड़िताल ।

सू०—प्राणरे कातरे इन्द्र पलाइ । पाचु पाचु हासि माधवे पाइ ॥

पद—रे रे पुरन्दर डाके मुरारि । रह रह काहे पलायव वज्रधारी ॥

लवरे बासव पाचु नीचाइ । कृष्णक किकरे शंकरे गाइ ॥

सूत्र०—रह रह इन्द्र बोलि डाकि डाकि श्रीकृष्ण पाचु पाचु याइ, तथापि इन्द्र विभवे
पलाइ, रहये नाहि । ताहे पेलि देवी सत्यभामा कर्धना करि कहूँ हासि
बोलल ॥

सत्यभामा—आहे पुरन्दर, तुहुँ कि निमित्ते पलावल ? देखक राजा हुया मानुष कृष्णक
भये भंग देलह, उचित नहे । तोहारि आमु पारिजातक गंजरी परिधान
करिये शची लातवेश करि वेड़ाये । तुहुँ वज्रधर वीर अब केचे पलाय ?
लाजक पिठि देखह । अये पापरि शची ओहि इन्द्रक वेलाय अवये दर्
कयलि, अब तोहारि भतारक केछे नाहि पलाटावा ? हामु मानुषी हया
तोहारि पारिजात निवा जाउँ, ओहि तापे मरिसे न जान ?

श्लोक

ततः पुरन्दरो निन्दां देव्याः श्रुत्वातिदुःसहाम् ।

निवर्त्तयामास वचनं सत्यभामै निबोध मे ॥

सूत्र०—तदनन्तर देवीक निन्दा सुनिवे इन्द्र परिभर्त्ति बोलल ।

इन्द्र—अये सत्यभामा, ओहि श्रोकृष्णक यह पत्नी थिक ताहेक मध्ये तुहुँ बडि प्रचण्ड
प्रगल्भा इहा हामु जानलु कि निमित्त हामाक अवये कर्धना करइ ? देखु
ओहि कोटि कोटि ब्रह्माण्डेश्वर, ब्रह्मा, मरेश सेवित पाइ पंजज जगतक परम
गुरु नारायण श्रीकृष्ण । ताहेत हामु युद्ध हारल, इहात कोन लाज थिक ?
तुहुँ स्त्री जाति किछो बुझये नाहि, हामाक मिछा चलाह ।

सूत्र०—ओहि बोलि इन्द्र आपुनाके गरिहा कपल ।

इन्द्र—हा हा हामु पापी, माया मोहित हुया परम ईश्वरक युद्ध कपल । हानाक
धिकार होक ।

सूत्र०—ओहि बोलि भये कम्पित तनु बाहि बाहि बोलि कर योरि कृष्णक आगु दंडवते
पड़ि परणामे नुति बोलल ।

पद्याड

जय जय यादव देव-मुरारि । जय जय कंस केशी अन्तकारी ॥
जय जय गिरि गोवर्द्धनधारी । जय जय भक्त भीति भय हारी ॥
जय जय महित विषधर कालि । जय जय वामन बलिक निकालि ॥
जय जय निर्जित कपिशर बाली । जय जय वासुदेव जनमाली ॥
जय जय विभुवन अनुषाम । जय जय निज जन पूरण-राम ॥
जय जय अष्टिक मोरण राम । जय जय पातेक तारेक नाम ॥
तोहारि माया-मोहित अन्ध । कलु बुद्ध देव हामु मन्द ॥
अत अपराध सह्य हरि मोद । चरणे शरण लेहु अब तोइ ॥
ओहि इन्द्र पद आपद घोर । दूर कर हरि कुमति मोर ॥
माग्यो भिक्षा परिधान कय कंथा । धरयो तोहारि भक्तिक पंथा ॥

सूत्र०—ओहि नुति करिये पुरन्दर परम वेरान्ये कृष्णक आगु परि बहुत बिलाप कयल ।

श्लोक

इष्ट्या कृष्णो विह्वलाह तस्य तर्मिलम्भनः ।
सन्तुष्यति यतो देव ज्येष्ठभ्राता भवान्मम ॥

सूत्र०—तदनन्तर इन्द्रक भीतिकातर देखिये श्रीकृष्ण हासि हासि हाते धरि कहौ तोलि
आश्वास बोलल ।

कृष्ण—हे पुरन्दर, तुहो हामार ज्येष्ठ भ्राता तोहारि दोष हामु किछो धरवे नाहि ।
किछो नाहि करयो, अब तोहाक ब्रज लेहु । ओहि पारिजात यदि मुले
नाहि देख तब बहाक निया जाव ।

सूत्र०—शुनि सत्यभामा कोप कटाक्षे निरेखि कृष्णक दशन चर्चि मनै गरिहय ।

सत्यभामा—हा हा कि भेलि स्वामीक मति ! ओहि इन्द्रक चाटु गुनल । आरभार
नरकबध निमित्तो कत कातर कये आनि कार्यसिद्ध भेल देखि हामाक बुद्ध
भेजायल । उनिकर बचने संजात भिक ! अः हामार पारिजात दिते कोन
अधिकार रहे ।

इन्द्र—हे स्वामीकृष्ण, ओहि पारिजात तुहूँ निया जाव । सुधर्मा सभत सहित यत
सम्पति हामात भिक सब द्वारकाक लागि पठावै । वाचत तुहो भूमित रहव
तावत उपभोग हुया रहोक ।

श्लोक

इन्द्रस्य वचनं श्रुत्वा प्रीतिः पीताम्बरो ययौ ।

पारिजातं तदादाव तमनुशाय्य भार्यया ॥

सूत्र०—इन्द्रक सम्भाव शुनि श्रीकृष्ण भार्या सहित हरिये पुरन्दरत अनुमति पाइ यैले
पारिजात लेवा कौतुके केदाव चललि, आदे लोक ताहे देखइ गुनइ । निरन्तरे
हरि बोल ।

गीत

राग बेलोआर—परिताल ।

भू०—पारिजात लेवा चलल लयलासे
हासे हरिये बरनारी ।

मत्त गज-गामिनी कामिनी कोले
भोले चलिय मुरारि ॥

श्याम मुखति रतन उरे माला
मणि मंजीर मुरावे ।

पूया समे चले रंगे तरणी करिणी संगे
मातंग येछे लीलाने ॥

मकरि कुण्डल गन्द दोलि विराजति
राजीव लोचन स्वामी ।

कृष्ण किंकर कहई हरिको
चरणे परि परणामि ॥

सूत्र०—तदनन्तर देवी सत्यभामा सहित लीलाये कौतुके केलि कये श्रीकृष्ण दारिकापुर
प्रवेश भेल । कृष्णक विजय सुनिये द्वारकात महामहोत्सव मिलल । डावे
डावे जय-बाजन बजावल । स्वामी बुद्ध जिति आवल शुनि बकमिनी सखी सब

सहित आसि कहूँ सपटे परणाम कयलि । कुण आलौंगि आश्वासल ।
रुक्मिणी सखी समे कुणक एकपाशे रहल । सत्यभामा गर्भ कथे कहूँ
रुक्मिणीक बोलल ।

सत्यभामा—हे विदर्भराज-कुमारी, तुहुँ स्वामीक धामे गौटा एक पारिजात पुष्प पावल ।
देखु देखु यावत सोहि पारिजात तरु समुले उपारि कृष्णक हुते नाहि
आनल, तावत छाड़लो नाहि । हामार सौभाग्यक फेलो फेलो ।

श्लोक

निशम्य सत्यभामाया भाषं विभक्तमन्दिनी ।

प्रोवाच भक्तोर्महिमां वर्णयन् कचिराननी ॥

कथा—सत्यभामाक गर्भ भाव सुनि रुक्मिणी हासि बोलल ।

रुक्मिणी—अबे भगिनी सत्यभामा, कि कहैछ ? जगतक परम गुरु श्रीकृष्ण उनिकर
चरण-सेवा करिते ब्रह्माण्ड भितरे कोन दुष्टलैग थिक ? धर्म अर्थ काम मोक्ष
चारि पदार्थ हाते मिलाये तुहारि पारिजात कोन कथा ?

सूत्र०—ऐचन भक्तिक महिमा कहिते रुक्मिणीक प्रेम परशल । हरि-चरण-सेवाक
महिमाक बैसे वर्णायल तादे देखइ सुनइ । निरन्तरे हरि बोल ।

गीत

राग वसन्त—वडिताल ।

सू०—अतवे कैछन कहासि मायि ।

हरिक भक्तिक सति कोन निमिलाइ ॥

पद—ओहि अरुण पद-पंकज धियाइ । मनोरथ चारि पदार्थ पाइ ॥

पारी पातेक सरे नाम गुण गाइ । कह संकर हरि चिते सति नाइ ॥

सूत्र०—भक्तिक महिमा कहिते कुमारीक प्रेमे परशल । नयन भुराइ रहल ।

श्लोक

सत्यभामा पतिं प्राह प्राह प्रमो त्वं किमु प्रेक्षसे ।

पारिजात तरुं द्वारि रोपणं कुरु मेहरे ॥

सत्यभामा—हे स्वामी कुण, कि निमित्त तुहुँ अपेक्षा करइ । हामार द्वारे पारिजात
सत्तरे रोपण करइ ।

सूत्र०—पृथाक वाणी सुनि श्रीकृष्ण द्वारक बिहारे आपुन हाते पारिजात तरु रोपन
कयल । देखि देखी बोल ।

सत्यभामा—हे स्वामी, अः कि कयल ? हामाक बहुत सतिनी धिक । पारिजात फूल
खोरि करि निते कत कलह करि बैड़ाव । एधा नहे हामार द्वार निकटे
मिया रोपण करइ ।

सूत्र०—सुनि श्रीकृष्ण पृथाक मनपूरि पारिजात पुनर्वार उपारि देखीक द्वार समीप
रोपि थापल । तदनन्तर सत्यभामा मनोरथ पूरि श्रीकृष्ण स्वामीक परणामि
सखि समे प्रदांसा कथे बहुत कौतुके कयलि ।

श्लोक

साधितार्थोऽथ नाथो तः पत्नीभ्यां सह वैदावः ।

कौतुकी क्रीडयामास हालसंभवावके ॥

सूत्र०—तदनन्तर नरकासुर मारि, देवकार्य साधि, इन्द्रक जिनिये पारिजात आनि
पृथाक द्वारे रोपि कृत्य कृत्य हया श्रीकृष्ण भाय वृहो सहित गेलन लीला केलि
कौतुके कयल, तादे देखइ सुनइ । निरन्तरे हरि बोल ।

गीत

राग पुर्वी—खरमान ।

सू०—जगजन जीवन मधाइ ।

वरु कौतुक केलि कामिनी मिलाइ ॥

पद—कुंचित चारु चिकुर चिबुक धर
कर चुम्बन वनमाली ।

काचुरि फोरे भोरे रसिक गुह
कुच नख धन धालि ॥

रमया रमणी मिलिते माणिक
मकरि कुण्डल दोले ।

हीर रचित मणि मोतीम माले
 हेमहार उरे लुले ॥
 चरणे रतन मणि मंजीर भक्तके
 कनक किंकिणी करो रोले ।

श्रीजगतानन्द भक्ति रत्निकनि
 कृष्ण किंकरे ओहि बोले ॥

सूत्र०—ऐछन केलि-कला कौतुक कये श्रीकृष्ण भक्ता रमणी सचक मनोरथ पूरि
 द्वारिकापुर प्रवेशि रहल । ओहि पारिजात हरण हरिक परम लीला-चरित्र
 श्रद्धाये जे सब लोके सुने भगे कृष्णक चरणे ताहेरि परम भक्ति ब्रह्मावह ।
 जानि निरन्तरे हरि बोल ।

श्लोक

कृष्णपादप्रसादेन शंकरं कृष्ण किंकरः ।
 चकार श्रीपारिजातहरणं नाम नाटकम् ॥

मुक्तिमंगल ॥ जपय छन्द ॥ भट्टिमा ॥

जय जय जग - जीवन मुरारि । कंस - केशी - अक - अश - अन्तकारी ॥
 सो व्यापक बिभू ब्रह्म अधिकारी । मुकुति मुकुति नित्य करत तोहारि ॥
 जय जय परम पुरुष देवको देवा । ब्रह्मा महेश कर जो पद सेवा ॥
 सोहि नारायण भुवन आधारी । मुकुति मुकुति नित्य करत तोहारि ॥
 जय जय माधव धेनुक नारी । आनन्द विरिन्द विपिन - विहारी ॥
 सोहि गोपाल गोवर्द्धनधारी । मुकुति मुकुति नित्य करत तोहारि ॥
 जय जय पीताम्बर बनमाखी । कालिन्दी हृदे जो मर्दल कालि ॥
 सोहि गोविन्द भक्त - भवहारी । मुकुति मुकुति नित्य करत तोहारि ॥
 जय जय गुह देख अन्तकारी । कुवलय मोहन दन्त उपारि ॥
 शरत रमव जोहि गोपिनी नारी । मुकुति मुकुति नित्य करत तोहारि ॥
 श्रीजगतानन्द दलपति जान । हरिको पद - पंकज भवमान ॥
 करावत नाट ओहि श्रद्ध छन्दे । कृष्णक भक्ति करिते प्रवन्दे ॥

पारिजात हरण आहेरि नाम । छुन लुपवन हरिगुण अनुपाय ॥
 कलियुग मध्ये धरम ओहि नार । नाहि नाहि गति हरि बिने आर ॥
 क्येलि कलि देखु एकाकार । पाप - पुण्य किछो नाहि बिचार ॥
 मलमति झोक अवहु नाहि जानि । नाहि नाहि गति बिने शारंगसाणि ॥
 भज हरि चरणे जोइहु सब आश । हरिनामे कर सुदृढ़ विशोवास ॥
 धरमक उपरि राजा नाम । जानि सबहु नरे बोल राम राम ॥

—१८३—